



UNIVERSITÄTS-  
BIBLIOTHEK  
PADERBORN

**Antonii Mvsae Brasavoli Medici Ferrariensis Examen  
omnium Trochiscorum Vnguentorum, Ceratorum,  
Emplastrorum, Cataplasmatumque, & Collyriorum**

**Brasavola, Antonio Musa**

**Venetiis, MDLI**

Emplastrum Diaphoenicon III

---

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)



EMPLASTROR. EXAMEN. 161

nam habent adstringentem hocq; emplastrum absq; igne fieri debet, panem probe conterendo & reliqua in pulverem redigendo, scitoq; panis crustam prius debere esse probe ustulatam, antequam in acetum infundatur. SE. Quæ nam est crusta panis uis? BRASA. Cum supra scintillas ustulatur uim habet adstrictoriam, quæ illi maior inest cum fuerit aceto imbibita, acetum uero reliqua quæ simul sunt mista penetrare ad amussim facit.

SENE X. III.

Emplastron Diaphœnicon uocatum sequitur. BRASA. Compositio est apud Mesuë, à palmulis quæ ingrediuntur nomē sortita. SE. Haud inscius sum. BRASA. Non ne conficis tu, ut à Mesuë conficitur. SE. Mesuë compositionem referto, & tunc an ita conficiam respondebo. BRASA. Ita parat Mesuë.

Recipe ceræ uncias duas.

Olei rosacei }  
Nardini } Singulorum unc. IIII.

Misce, & fiat cerotum. Deinde

Recipe dactylorum siccorum numero. XL.

Tortellarum de scœni drach. V.

Postea per biduum in odoratum uinum infunde, & cotoneorum carnē in uino decoctorum ad drachmas septē accipito, & terantur cum dactylis contritione exquisita, cerotoq; misceantur, & in mortario adeo cōtundantur, ut unā iuncta uideantur ac sint, postea adijce.

Mastiches }  
Olibani } Sing. drach. II. & sem.  
Absynthij romani steci }

Ligni



## BRASAVOLI

Ligni aloes

Macis

Myrrha

Aloes

Spice

Acatie

Gallie

Ramich

Calami aromatici

Laudani drachm. II.

Singulorum drach. I.

Misce, & iterū conterantur donec simul mixta sint. De inde ex eo super laminā line, et ex xylo aloes suffumigato, & supra stomachum pone iecur, et uiscera. eius autē uis amplior est, si mastiche & ladanum cum cera et oleo misceantur, et ita cum cæteris emplastrum conficiatur. SE. Emplastrum diaphoenicon quod seruo hoc præcise est quod retulisti. BRAS. Omnes eodem modo conficiunt, nonnullis demptis, qui decem tortellorum de scœni drachmas apponunt. SE. Quid uere intelligendū est per tortellos de scœni? BRAS. Diuersi diuersa imaginantur, alij etenim inquiunt esse panem azimum biscoctum, alij dicunt esse panem ex lacte confectum, nos biscoctum panē intelligimus, qualis ille est qui Venetijs passim uenditur & uocatur biscoctelli, fit etiam Ferrariæ, sed non passim uenditur ut Venetijs, illi uero ample decipiunt, qui panem elixum accipere uolunt. nonnulli sunt qui in hac compositione apponunt carnis cotoneorum uncias octo. at mihi potius arridet ut sint drachme octo. Nota præterea id quod dicitur gallie, ab aliquibus exponi id est gallas quercuum, & ab alijs gallas omphacitides



citides. gallæ profectò uim habent adstringendi maiorè rem quàm gallia, tamen gallia potius intelligenda est, quia membra magis roborat, & si gallia sit quod suspirari oportet, nam et ramich apposuit, quæ est Mesue cõpositio, propterea tu moscatam Mesue galliã subintelligito, notaq; hoc emplastrum à recentibus uocari emplastron diaphœnicon calidum, cum tamen multa recipiat quæ calida non sunt, sicut et aliud uocatur frigidum, licet multa recipiat quæ frigida non sunt. SE. Ad quos competit eiusmodi emplastrum affectus? BRASA. Ad stomachum roborandum & iecur cum in uehementem inciderint imbecillitatem, et mollificationem, uentrisq; profluuijs aduersat, & iecorario præ omnibus. SE. Quid facit biscoctus ille panis in hac compositione? BRAS. Præter id quod adstringit, ualet etiam ad cõpositionem, & ad omnium aliarum rerum miscellam. SE. Per ramich quid uere intelligendum est? BRAS. Cõpositionem semper intelligendam suadeo, quæ apud Mesuem constat inter trochiscos numeratam, quam ramich uocat, est uero compositio, quæ multas alias ingreditur. cum ergo apud Mesuem leges uocabulũ ramich, compositionem quæ sequitur intellige, quia apud alios sunt diuersa ramich, at illud quod à Mesue conficitur hoc est.

Recipe succi herbæ acetosæ unc. XVI.

bulliat ebullitione unà cum rosarum unc. I.

Granorum myrti unc. II.

percolentur & cum eo misce.

Gallarum recentium unc. III.

& adhuc coquatur, deinde puluerizent supra ea  
Foliorum



## BRASAVOLI

Foliorum rosarum unc. I.

Sandalorum macazari unc. I. & pars quarta.

Gummi arabici unc. I. & semis.

Carnium summach

Spodij

Succi agrestæ drach. VII.

Succi granorum myrti unc. IIII.

Ligni aloes

Gariophyllorum

Macis

Nucis moscatæ

Singul. drach. VIII.

Singul. drach. IIII.

Omnia simul inuoluantur, & extendantur in scutella lapidea donec siccentur: deinde tere sicut alcohol, & cum camphoræ aur. I. & aqua rosacea fac trochiscos subtiles, & exicca in umbra. Nonnulli loco succi acetosæ comtoneorum succum acetosorum immaturorum tantum deponunt. Et sunt aliqui qui aromatizant ex quarta parte drachmæ musci. SE. Hæc uidetur magna compositio. BRAS. Magna profecto est, sed est Mesue ramich, quo in compositionibus Mesue uti debemus, quando iubet accipiendum ramich. nam & apud Serapionem, sunt sua ramich, sed Mesue compositionem ingredi non debet, quoniam Mesue ramich in his recipiendum est. SE. Reperitur ne apud antiquos emplastrum hoc diapheñicon? BRAS. Non quod sciuerim, tamen Auicenna in quinto Canone eadem ferè conficit compositionem, sed illam unguentum uocat, non emplastrum, dicit uero Unguentum quod confert ad uehementiam debilitatis hepatis, & stomachi, & uentrem lenit, & retinet affectionem epithimatum.

Recipe



Recipe tortellorum de scœni pondus drach. IIII.

Alchena }  
Absynthij } Singulorum pondus drach. II.  
Olibani }

Myrrhæ }  
Aloes } Singul. pondus drach. I.  
Aderirati }  
Xylo aloes }  
Acatia }

Laudani pondus unc. II.

Cotoneorum mundatorum decoctorum drach. VI.

Dactylorum numero L.

Ceræ }  
Olei nardini } Quantitas cū qua fiat unguentū.  
Rosacei }

Infunde dactylos & tortellos in uinum, & accipe coto-  
nea, & illa munda corticibus, & granis suis, deinde ea  
coque in uino, donec mollia sint, & cū decocta sunt, tere  
ea bene, & permisce illa cū dactylis, & tortellis, deinde  
commisce ea cum tortellis donec misceantur, & ceram  
cum oleo liquefacito, & tere reliquas medicinas, & cri-  
bella eas, & pulueriza eas super ceram liquefactam cū  
oleo, deinde aggrega ea simul in mortario, et permisce  
ea in eo donec bene permisceantur, deinde extēdito sup  
lanā, idest super pannum, & pone ipsum supra iecur &  
stomachum. Hæc Auicenna. SE. Diuersum est hoc em-  
plastrum à præcedente, & in ponderibus, et in cōficien-  
di modo: at in simplicibus nō est magna differētia, tamē  
uidi etiam nonnullos, qui secundum apud Mesuem Em-

M            plastrum



BRASAVOLI

plastrum quod diaphœnicō dicūt, descriptione Alexā-  
dri conficiebant, quod membra nutritionis roborat, &  
ad uentris profluuium, ac uomitum confert, et ad colliri-  
cam passionem, & dysenteriam ualet, & ad epaticum  
profluuiū, & ad malitiam alitimbre, et ad stomachum  
recipientem superfluitatem à membris alijs. BRAS.  
compositionem referto. SE. Hæc est quæ sequitur.

Recipe dactylorum uicinorum maturitati sine osibus  
unc. V.

Tortellorum de scœni unc. I.

Carnium cotoneorum coctorum in uino styptico  
unc. I. & semis.

Styracis	}	Singulorum drach. IIII.
Mastiches		
Laudani		

Acatie	}	Singulo. unc. IIII.
Succi agrestæ		
Florum uuarum agrestium		
Sandalorum citrinorum		
Ranich		
Myrrhæ		
Xylo aloes		
Ceræ unc. IIII.		
Oleirosacei unc. XV.		

Vini pontici quantū sufficit ad infundendum infun-  
denda & confice secundum artem. BRAS. Hoc est  
Diaphimicon emplastrum uocatum, frigidum, scito es-  
fidacius



ficacius esse precedente ad dysenteriam, & ad biliosum profluuium. SE. In quo loco describit ipsum Alexander? BRAS. Apud Alexandrum illum nunquam inuenire potui, immo nec potest esse Alexandri compositio, quia Alexander in compositione sua Ramich non reciperet, quod est Arabica compositio, nō Græca, neq; etiam in sua compositione posuisset tortellos de sceni, qui fiunt apud Mauritanos, et non apud Græcos, quam apud Græcos fieret etiam biscoctus panis, forte Mesue alium habuit authorem Alexandrum nomine, à quo emplastrum istud accepit, uerum apud Alexadrū Trallianum libro quarto capite primo ubi de Podagra agit, phenicœum emplastrum reperitur, quod ex palmulis confectum est, & dicit huic morbo medendo mirificam potestatem obtinere, si eo cum oxyrhodino diluto utare. SEN. Nil aliud quam palmulas recipit? BRAS. Recipit et oleū rosaceum. per agrestæ succū, omphacinum uinum intellige: & per uua agrestis flores, labruscæ flores intelligito. Nota deniq; Galenū mentionem facere emplastri thinicini, quod palmæ succum recipit, in primo de Compositione medicamentorum per genera.

S E N E X.

IIII.

*Emplastrum*

Emplastrum de Meliloto sequitur. BRAS. Et hoc est *de meliloto* apud Mesuem, at quomodo illud conficis. SEN. Ut *10* Mesue cōficit. BRAS. Quomodo agas referto, nam plerunq; compositiones alio modo cōficis, quam ab ipso authore referantur. SE. Ego hanc ita conficio.

M ij Recipe